

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 49. sjednici održanoj dana 29.03.2016. godine, d o n o s i

SKUPŠTINA ZENIČKO-DOBOJSKOG KANTONA			
Primijeno: 31.03.2016.			
Org. jed.	Broj	Prilog	Vrijednos.
01-	02-	6932	16

ZAKLJUČAK

I.

Prihvata se mišljenje Ministarstva za rad, socijalnu politiku i izbjeglice Zeničko-dobojskog kantona na podnesenu Inicijativu poslanika Senada Trake.

II.

Stav Vlade Zeničko-dobojskog kantona iz tačke I. ovog zaključka upućuje se u dalju skupštinsku proceduru.

III.


Zaključak stupa na snagu danom donošenja.

Broj: 02-02-6932/16.
Datum, 29.03.2016. godine
Zenica

DOSTAVLJENO:

- 1x Ministarstvo za rad, socijalnu politiku i izbjeglice.
- 1x Stručna služba Skupštine,
- 1x a/a.

**PREMIJER
PO OVLAŠTENJU**
Hamzo Šmajčić
Hamzo Šmajčić





ZENIČKO-DOBOJSKI KANTON
VLADA

N/r Sekretara
N/r Premijera

Broj: 09-02-4387-1/16
Zenica, 22.03.2016. godine

PREDMET: Odgovor na poslaničku Inicijativu, dostavlja se

Na 24. sjednici Skupštine Zeničko-dobojskog kantona održanoj 23.02.2016. godine poslanik Trako Senad, u okviru predtačke dnevnog reda: „Postavljanje poslaničkih pitanja pokretanje inicijativa“, podnio je Inicijativu za izmjenu člana 115. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 03/15 i 02/16) - u daljem tekstu Zakona. Poslanička Inicijativa se odnosi na povećanje iznosa naknada prava na dječiji dodatak, odnosno da se u stavu (1) mijenja utvrđeni mjesečni iznos dječijeg dodatka od „2%“ na „10%“ te u stavu (2) mijenja utvrđeni mjesečni iznos od „3%“ na „12%“.

Polazeći od podnesene poslaničke Inicijative poslanika Senada Trake, Ministarstvo za rad, socijalnu politiku i izbjeglice daje:

Mišljenje

U skladu sa Zakonom pravo na dječiji dodatak pripada porodici sa djecom koja se neposredno brine o djetetu, a čiji mjesečni prihodi ostvareni po svim osnovama izuzev primanja ostvarenih iz socijalne zaštite i zaštite porodice sa djecom, po članu domaćinstva ne prelaze iznos od 15% od prosječne plaće Kantona, iznos dječijeg dodatka utvrđuje se u mjesečnom iznosu od 2% od prosječne plaće Kantona. Pravo na uvećan dječiji dodatak u mjesečnom iznosu od 3%, od prosječne plaće Kantona, pripada djetetu bez oba ili jednog roditelja, porodici koja ima dijete ometeno u fizičkom ili psihičkom razvoju i porodici u kojoj oba ili jedan roditelj ili dijete imaju najmanje 60% oštećenje organizma, bez obzira na imovinske uvijete.

U 2015. godini prosječna plaća Kantona iznosila je 725 KM, tako da je iznos dječijeg dodatka koji se utvrđuje u mjesečnom iznosu 2% iznosio 14,50 KM, dok je uvećan dječiji dodatak u mjesečnom iznosu od 3% iznosio 21,75 KM

Tokom 2015. godine pravo na dodatak na djecu ostvarilo je 25.956 korisnika i u ove svrhe iz Budžeta ovog Ministarstva utrošeno je 4.242.000 KM.

S obzirom da prosječna plaća Kantona za 2016. godinu iznosi 718 KM, pravo na dječiji dodatak će biti sljedeće:

- a) Prema članu 115. stav (1) u mjesečnom iznosu od 2%, isplaćivat će se u iznosu 14,35 KM,
- b) Prema članu 115. stav (2) u mjesečnom iznosu od 3%, isplaćivat će se u iznosu 21,55 KM.

Nepovoljna ekonomska situacija i ograničena finansijska sredstava u Budžetu Zeničko-dobojskog kantona uticala su i utiču na obim ostvarivanja prava korisnika iz socijalne zaštite. Zbog toga Ministarstvo finansija nije bilo u mogućnosti da isplati sve zakašnjele isplate nakanada, koje su nastale u 2013. i 2014. godini. Zadnja uplata naknada za dječiji dodatak korisnicima prava bila je 04. marta 2016. godine za mjesec oktobar 2015. godini.

Također, zbog nedovoljnog priliva sredstava, u Budžetu Zeničko-dobojskog kantona za 2016. godinu na poziciji „Dječiji dodatak“ planirana su sredstva u iznosu od 4.000.000 KM, što je u odnosu na izvršenje 2015. godine manje za 242.000 KM.

Ovo Ministarstvo je mišljenja da je Inicijativa poslanika Senada Trake plemenita, humana i u najboljem interesu djece i porodica sa djecom, međutim, zbog ograničenih sredstava za ove namjene u Budžetu Kantona za 2016. godinu, ovo Ministarstvo na žalost ne može podržati predloženu Inicijativu.

Ministarstvo u kontinuitetu nastoji da se poboljša položaj porodica sa djecom i u tom kontekstu predlaže rješenja kod donošenja novih ili izmjena postojećih propisa. S tim u vezi, Ministarstvo je mišljenja da se izradi Zakona o zaštiti porodice sa djecom na nivou Federacije BiH, kojim će se propisati isti kriteriji, iznosi za dječiji dodatak i druga prava te uredi model finansiranja na području cijele Federacije.

S poštovanjem!

 Dostavljeno:

1x Naslov

1x a/a


MINISTAR

Nurdehan Šahinović



*dostavljeno poslanicima poštom
26.2.16*

Broj: 01- 02-4387 /16
Zenica, 25.02.2016. godine

**VLADA ZENIČKO-DOBOJSKOG KANTONA-n/r sekretara
ZAKONODAVNO-PRAVNA KOMISIJA SKUPŠTINE-n/r predsjedavajućeg**

PREDMET: Inicijativa Trako Senada, poslanika u Skupštini Zeničko-dobojskog kantona, za izmjenu člana 115. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11 i 3/15) - dostavlja se,

Trako Senad, poslanik u Skupštini Zeničko-dobojskog kantona, podnio je na 24. sjednici Skupštine Zeničko-dobojskog kantona održanoj 23.02.2016. godine, u okviru predtačke dvenog reda: „Postavljanje poslaničkih pitanja i pokretanje inicijativa“, a shodno članu 111. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) Inicijativu za izmjenu člana 115. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11 i 3/15).

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona u prilogu vam dostavljam na mišljenje predmetnu inicijativu o kojoj ste se dužni izjasniti u roku od 30 dana, radi daljeg postupanja Skupštine po istoj u skladu s Poslovnikom Skupštine.

S poštovanjem!



SEKRETAR

Ibrahim Avdagić

PRILOZI: dio transkripta sa 24. sjednice Skupštine u kome je sadržana inicijativa poslanika Trake i inicijativa dostavljena u pisanoj formi

Dostavljeno:

1x Naslovu

1x Ministarstvu za rad, socijalnu politiku i izbjeglice

Svim poslanicima Skupštine -0503

1x U spis predmeta

SENAD TRAKO

.....Zahvaljujem. Evo ja bih danas, upućujem jednu inicijativu Ministarstvu za rad, socijalnu politiku i izbjeglice. Šta ovo.....

Naime, pokrećem inicijativu za izmjenu Zakona o socijalnoj zaštiti, zaštiti civilnih žrtava rata, zaštiti porodica sa djecom. Izmjena se odnosi na član 116. ovog Zakona koja glasi: iznos dječijeg doplatka, 2 % od prosječne plaće kantona po djetetu, ako će ostat 2% ja bih ovo ukino i ovo. Član 2.-iznos dječijeg dodatka, iz člana 113. stav 2 ovog Zakona utvrđuje se u mjesečnom iznosu 3% od prosječne plaće. Naime, umjesto toga, u stavu 1. umjesto 2, da stoji 10, a stav 2. člana umjesto 3 da stoji 12.

Obrazloženje: svjedoci smo sve većeg opadanja nataliteta u Bosni i Hercegovini, smatram našom dužnošću da pokušamo izmijeniti situaciju i pomoći porodicama sa djecom, želio sam da pokrenem inicijativu o... za majke porodilje obzirom da evo i danas imamo na dnevnom redu jedna od takvih odluka, drago mi je da je došlo do toga, a mislim da ovo zaista neko će reći da je možda puno ili nemoguće, ali ako uzmemo u obzir da je ovo možda prioritet nad svim prioritetima, može da se ostvari. Odnosno ko hoće da preskoči 2 metra, zadaje 2,5, trenira ma 2,5 pa preskoči dva, ako zadamo metar neće nikad dva preskočiti. Ja se nadam da ćemo iznać' mogućnost da ova inicijativa prođe. Hvala.



Ministarstvo za rad, socijalnu politiku
i izbjeglice

Zastupnik u Skupštini ZE-DO kantona

Senad Trako

Bps-Sefer Halilović

Visoko, 23.02.2016.godine

INICIJATIVA

Pokrećem inicijativu za izmjenu Zakona o socijalnoj zaštiti, zaštiti civilnih žrtava rata i zaštiti porodice sa djecom.

Izmjena se odnosi na Član 115. ovog Zakona, koji glasi:

(1) Iznos dječijeg dodatka utvrđuje se u mjesečnom iznosu od 2% od prosječne plaće Kantona, po djetetu.

(2) Iznos dječijeg dodatka iz članka 113. stavak (2) ovog zakona, utvrđuje se u mjesečnom iznosu od 3% od prosječne plaće Kantona, po djetetu

tako da u stavu 1 umjesto 2% stoji 10%, a u stavu 2 istog Člana umjesto 3% da stoji 12%.

Obrazloženje

Svjedoci smo sve većeg opadanja nataliteta u BiH. Smatram našom dužnošću da pokušamo izmjeniti situaciju i pomoći porodicama sa djecom. Želio sam da pokrenem Inicijativu za izmjenu Zakona o porodijskim nadoknadama ali obzirom da je to već učinio Klub parlamentarki u Federalnom parlamentu ja pokrećem gore navedenu Inicijativu.

Sredstva za ove izmjene mogu se pronaći u smanjenju grantova za finansiranje mnogobrojnih udruženje, odnosno onih udruženja koja su fiktivna i čija je svrha samo postojanje.

Zastupnik

Senad Trako

2 DA